

讀白華草堂詩二集

讀白華草堂詩二集卷十一

鎮平 黃 釗 穀生

元日甘林硯齋試筆

美婦得之雙白璧異書購以萬黃金平安節節竹如意
富貴年年花稱心星子臨池澄澹墨雪兒吹鼎和清吟
侍臣詞賦推枚馬珍重甘泉與上林

簡夢巖同年 鈞培 得金冬心所畫蕉林清暑圖卷

屬題

詩人覺春氣畫史有冬心此卷偶然得分題皆素襟

卷中

題詠多 余知好 三秋海雨滴九夏嶽雲深何處識清淨從君詞

詩正詩正詩正
子林

江亭小集同包慎伯

世臣潘彥輔

德輿

凌仲訥

塾

劉孝長

淳

陳東之

湖

紅褪櫻桃紫褪茵
頻年此地遣餘春
世間麟鳳難爲畜
天上星辰易笑人
盼到出山仍小艸
聽來入爨祇勞薪
眼前雲物還清曠
莫惜深杯醉百巡

過潘彥輔園通道觀寓舍小飲

各成二詩

凡盡酸寒酒
休爲慷慨歌
眼中雙鬢短
身外百憂多
龍虎空丹鼎
星辰竭絳河
狂生餘論說
去日已蹉跎

吾道疑妻子
他途畏友朋
百年同有待
一第獨無憑
仰

嚇鴟甘鼠卑飛鷁笑鵬臨歧重惆悵

彥輔物出都

繫日少長

繩

連夕與慎伯談權甚慎伯將之官西江因成二首
卽以送行

樽酒論文樂時常到夜分半生真少學今日始多聞
臣朔書空讀君苗硯可焚推窗窺樹杪河漢澹微雲
有用平生學何當天
下肥得時君可駕失路我安歸
至治期孟覆微言喻瑟希白頭商出處素志肯輕違

醉重五圖

有序

圖畫鍾馗二一衣絳袍一衣綠鬚鬢巾幘皆仿

是中安石几有瓶簪蜀葵蒲艾翠盤一堆桃藕
鮮荔支舉杯相屬據石分坐上有樛松一絲下
垂懸螭子旁有朱砂蝙蝠飛近樹側羌無故實
蓋鎮惡意也端陽前一日以錢一貫五百得之
厥肆爲作歌以詠之

蒼松蜷曲澗谷幽虎皮巨石苔紋浮中橫石几滑如油
花罌果盞置兩頭蜀葵蒲艾同薰藉甜桃脆藕水晶球
絳蕤之盞翠玉甌舉手相屬無觥籌天中日午雲不流
上林火齊環安榴珠簾冰簟玉子收唐宮夢熟香囊偷
圖形審象勞旁求終南徑僻臣則羞雍容鞞笏安林邱

真吾改我五勸酬連蜷鬚鬢青赤糾絳袍綠袍有異不
獨醒獨醉皆離憂我我周旋可銷愁守宮辟惡誰實優
免置免置爾公侯駕喜乘福從吾游

夏日感懷

篋中南海香衣上東華土臣里亦云美君門一何阻館
舍如蜂房各自開牖戶蟻夢當侯王槐柯日當午片雲
帶微涼何方適行雨伊余睹美人空欲托神女甬中聚
毒蟲蠕蠕已成蠱早久恐爲蝗所憂在禾黍林間梅當
酸路旁李當苦青門瓜蔓長樂志有農圃

贈仲訥

酒人空蝶羸詩老有蚍蜉一笑吾何託鯁鵬羨爾游神
廬嘯風雨文木臥春秋多少問奇者飢思窺汗牛

竹屋對牀圖蔡樹百同年屬題

樹百弟梅友茂才性至孝癸巳冬以殉母卒樹
百痛之補繪斯圖且爲詩哭之徵同人題其卷

鶴鴿血共慈烏乾鶴鴿肉共慈烏寒鶴聲鴻聲萬里赴
呼天搶地摧心肝痛定作圖復志痛竹屋對牀如昨夢
雉飛猶聞犢子歌狗友兩聲鵬賦空沈賈生慟叶嗟乎
男兒墮地不能將母衛手足亥盜微名竊微祿仲木飢
來孰負歸姜被寒時祇獨宿蔡侯孝友豈有此我對斯

圖類有泚不成爲兄不成子卅年空走長安市白楊早
枯紅桐死仲弟笙調字守桐以戊子秋卒竹屋之竹綠過牆止餘一弟
何時仍對牀

詩夢

詩夢初回琴夢圓綠紗涼透鳴鑪煙簾波月上人如玉
樹杪雲流屋似船眉譜風情傳劍外牙齧日課辦碁邊
香娛小閣欄杆側冷落桃笙又五年

雨窗早起

雲氣與香凝去聲雨聲同夢酣涼灰黏斷蚓瑩玉裹眠蠶
虛舫此晨坐銀鐙同夜談短僮呼不起坳水漫花南

曉晴

楚楚蝶衣潤溘溘魚夢圓翠生涼雨地白養活雲天塵
眼鏡新洗山眉圖更妍道人思曬藥自汲井華煎

雜言

古劍足寶貴詎爲能殺人雷火乘其性龍螭纏其身森
然蓄鋒鏑不用用乃神聖人垂衣裳大勇兼智仁持之
若太阿揮斥安八垠劔乎切同仇豈以私怨恩伍員乃
孤忠張禹乃佞臣尚方一何壯屬鏤一何冤殺人慎所
用毋爲烈士曠

龍脣隱蛇腹云是古時琴古琴亦安辨其光黝而深彈

之空山中微響寂以沈月出四無人猿鶴爲賞音豈願
山鬼笑自和松風吟抱琴入市門古調不宜今古調不
宜今琴德終悄悄歌薰可殿陛引歸可山林

鏡形不鏡心明鏡淺不深鏡妍亦鏡媿明鏡公不私明
鏡固能察明鏡亦易昏不如古時鏡外斂中藏神古鏡
照心肝魍魅應膽寒古鏡照顏色素娥合體魄葵花開
向日菱花開向月鏡檻承菱花莫被陰蟲蝕

拔劍斫蒼蠅不如揮塵尾一擊已不中樊棘遠安止驅
之自行術任氣徒爲爾瑩瑩白玉盤光潔見表裏置冰
翅難扇置瓜脚爭歧營營豈無因冉冉誰所使祛之遠

作誰尸之近砧几慎勿傍灰中積灰能起死

狗馬價何高豪門易爲畜鳳麟汝何者羽毛非其族千金抑何易一飯抑何難車前楚狂歌郊外宣尼歎章臺有美人上蔡有公子狗馬復狗馬跌宕令人喜鳳麟汝莫哀市中橐駝來橐駝且見怪於汝何有哉

庭中兩株槐濃陰交蔥翠其上巢烏鵲其下穴螻蟻鵲有夫婦理蟻有君臣義孰陰而孰陽相向不相背涼風掃黃雪彷彿散叢桂年年爲花忙憇此若蕭寺鵲噪聒無憑蟻夢覺無謂黑頭非黑頭虛此三公位

玉女善投壺天帝爲梁齒仙人賭玉塵亦遣長日耳華

陽十賚文已變蟲篆體青童擗虬枝鈍拙笑老子昨朝
宴紅雲瓊漿溢玉簋朱幢導日官絳節引星使排闥迴
金銀蟠根實桃李畸人空乘真蓬萊阻弱水似聞金壺
乾老龍愁渴死

仙戲留五禽鳥伸而熊經導引四十年骨節叩可聽傳
聞有勾漏丹砂出玉甌龍虎相配合子母共胎孕黃芽
亦已萌白髮日以盛舊說豈荒唐斯理難究竟敝衣溷
紅塵妻子生詬病拔宅遇良難人事有天定雞犬盡飛
昇劉安亦太橫

琴德貴和平詩旨尙溫厚揮絃而歌薰雍容樂解阜螳

讀作詩集卷之六
六
螂生殺機豺虎界不受變聲與變雅忼激亦時有性情
豈容僞真者見以酒與酣自歌呼仰天更拊缶雲來倏
雲往如羊復如狗山中已自雜出山枉奔走

至厰肆見陳章侯所畫紅棉急購歸爲題其幀

虬枝鐵幹綴朱果有柯無葉帶銜火此是南交倔強花
白絮丹鬚自包裹燕臺三月花如繡華轂雕鞍炫春畫
碧嶂紅棉好畫圖流落風塵問誰購風塵豈必無物色
此花至竟無人識典衣買得趣提壺鷓鴣絲來是南客
章侯章侯聽鷓鴣越王城外看春蕪此花本是紅珊瑚
洵女獻此同火珠懸之明堂有意無君不見搏桑日出

大海紅明堂圖障懸當中 聖人正坐蓬萊宮

明宣宗畫獼猴圖歌

畫一母猴纏纏伸左趾齧取金環幘端押宣德宸翰側旁

書賜楊士奇

內書堂中午學散卯角闔童侍宸翰絕少青衣點御屏
忽看黃練蹲香案當時跳躑有羣狙黎利烏梁頸繫無
難教馴擾同園畜但有拘縻秉廟謨廢胡立孫亦何意
母賤疑因以子貴繩愆却少轉園力稍媿銀章先帝賜
仁宗嘗賜士奇銀章文曰繩愆糾繆流傳絹素歎精能幾暇還將藝事矜
不教待制加供奉較勝宣和畫角鷹

兩夜

灑灑槐風間竹風一時涼意透薰籠虛堂舞劍聽飛白
幽閣挑燈睇落紅神女珮環珠鐸裏詩人肝膽玉壺中
藤牀一夢春潮長蝶翅蝦鬚掩六篷

綠夢軒

館寓有兩大槐長夏圍陰碧窗如水因以綠夢
名軒宜侯宜王建之詩國有風有月入此睡鄉
因系一詩并署其楣

一枝齊女托玉宮十畝圍陰日正中安穩夢仍甜黑蟻
纏絲絲與吐青蟲經年過夏松生牖半舫延秋雪打篷
但得彩鸞來寫韻仙官原不羨三公

天橋酒座獨酌

滾滾車塵白日馳，竹鷹兒共酌。鷺兒屠沽豈盡辱人行，
卿相自應賢者爲美酒。但嫌吾醉速，高雲常笑客歸遲。
董糟邱後風流歇，莫謾狂吟太白詩。

冰窖衲衲館中坐雨簡同舍諸君

百年槐老占衲衲，冰窖寒生六月中。濕樹羽毛垂翅鳥，
涼莎聲息叩頭蟲。牀書枕籍聯今雨，楹帖鉤摹念古風。
同是巢居同是客，年年去燕復來鴻。

寄內

料得阿婆羞老夫，不堪束抹復西塗。仲卿皮骨依然在，

詞上卷 直空言
叔寶心肝未是無冬月糟糠夫婦案春風圖竹子孫圖
何時始遂躬耕願添置城南百石租

涼宵

涼宵生是可憐宵藤榻紗幮坐寂寥花氣盛時禪有漏
雨聲懶處客無聊曳龜身世泥中藕覆鹿心情夢裏蕉
盼得好眠偏不寐鬢絲秋影易魂銷

郭羽可新除中翰賦簡

天性誰如老可真心肝雄直膽輪囷詩無酒氣任供佛
羽可集 豈有兵機妙入神羽可畫 垂白輪蹄作朝士焚

中語 黃邱隴慰先人風塵我亦淒涼者談到我鬢淚滿巾

寄叔子琴展

時自電白歸甲以
秘香草堂詩寄質

鴻自東歸雁北征江湖照影各淒清
半生作計嘲妻子
垂老閒情諱弟兄
窮後學詩恥卑格
飢來吹笛好高聲
聞君日夕樓頭坐
海月曾分幾處明

詠蟬四首

息羽青林樂未央
世間憂患可相忘
通禪妙得安心法
祛障新傳洗眼方
竿影未應驚翡翠
琴聲何至觸螿螂
消閒自結仙蟲社
嬾向塵囂較短長

苑柳宮槐夾道塗
何年羽化入仙都
八名爾雅勤箋注
五月幽風敬繪圖
法曲仙韶開水殿
軟絲文縠罩冰壺

漫誇雀扇同時賜南海離支貢到無

金碧丹青有化身未嫌纓冕墮紅塵貂冠聊復施朝貴
翠鈿生教近美人幬裏輕紗疑霧質鐙前鬆鬢劇風神
溫柔鄉與清涼境消受繁華亦夙因

朝暮蟬蛸序變更最高枝上閱浮生山林九夏饒清福
風雅千秋託正聲蛻去自知無死法咽來豈有不平鳴
吸風飲露尋常事居士何心署淨名

閏月初五夜坐月作

星初齊後約初更蛩語如詩字字清愛不奈何憐不是
碧翁翁看月兒生

斗哥哥與叫姑姑眷屬秋來聽不孤
老手雕蟲難討巧
閒將花草鏤葫蘆

初六夜作

花息微微著鼻銷
美人生是玉根苗
晚香要背銀燈聞
碧月窺人太不聊

笛薄遮關戶不扁
井桐留影靜階
蕙絲人唧唧催機杼
閒煞衣邊坐小星

爲潘彥輔題岱峯晴雪圖卽送其歸淮上

四千仞壁搖光晶粉本欲變齊魯
青客行千里白未了

博聞記謂泰山高四千仞環一千里
夕陽驢背看云亭
往來三度負登陟

讀白華堂詩
夢想尙欲圖真形知君胸中小天下眼光泉水同清冷
摩厓刻石紀封禪輩禽奇獸充天庭儒生攷古豈侈此
巖巖岱秩空留銘姜潛讀易師守道孫復講學從橫經
此中有人呼不出笮城深護琉璃屏紅塵插脚五十載
眼前鬚鬢俱星星此圖作意共仰止極高明際空滄溟
炎天日赫愁馱鈴送君南下思揚舫如山雪浪駕微蜀
龜苑兩點如浮萍歸來檢囊覓鴻爪九煙一氣同冥冥

偶成二絕句

廿年悞入糊獅袋一粟未飽侏儒囊東行已失復西走
下此不足況上方

小知識開光明界太歲背居安樂窩景大芻尼尙知此
昧機罔事將如何

晚香玉

密幄藏寒露疎簾閃小星麗情心字白私誓臂文青圓
夢無塵舍參禪有漏瓶祇將遲暮意相對惜惺惺

秋懷四首和家樹齋先生韻

書去燕人悅歌來楚客悲旅臣居國日貧女在家時赤
枋看何有蒼生望屬誰短檠終夕耿常笑夢魂癡

夫子金閨彥趨朝夜嚮晨匡時疏一篋糾政酒千巡

稷高非徒許巢由是有真散材容我懶分上聲作五湖身

夏旱防秋潦陰陽抵死爭
束薪民力迫問米客心驚
苦語腸應痛訛言耳欲鳴
五行稽漢志匡坐得無情
風雨懷人夜淒涼一寸心
幢幢玉蟲暗寂寂曙雞暗
劒已儕頑鐵碑誰搨碎
金婆婆兩槐樹沈悶作龍吟

七夕卽事

碾粉團香夕雞醒鵲睡晨
篆煙熏艾蒹花露酌茵陳
漏自聽河鼓家原近析津
十年淪謫恨未敢拜星辰

蒿燈曲

蒿子青青蒿葉碧暗螢飛近
中元夕淡月疎星照窈冥
玉露金風綴蕭槭騷騷屑屑走沙蟲
丈六身悲腐草同

五燈漫詔傳曹洞一柱曾教儼帝宮香臺香閣通幽窟
寶網金鈴競圍繞遮莫前身是善財寶多羅樹偷天巧
希求依附嶽遊魂食髮食香不二門隨巾盥漆應無燄
會上孟蘭尙有益君不見青詞羽士登壇讀牆下微聞
蒿里曲莫向沙隄認火城好從淨土修金粟

秋夜感懷

夏聲令人壯秋聲令人悲中年悲壯懷抑塞將安之龍
無耳而豈虎有口而啞珠乃爲漁竊威遂仙假雲何
觸以何何挾以鳴蓬蓬混一族浩浩同一聲美人素
被服無言守空谷眼中豹與狸門外紛相逐幽蘭自泣

露叢菊自傲霜眼酸骨不媚感時感中腸火中暑當退
燕飛雁當代艸蟲爾何司嘖嘖若忠愛壯心動無端悲
懷汝何干 儀闌起看劍中天星斗寒

秋詩四首

客久西廂 兩鬢皤又驚秋氣到庭柯社公職守司鴻燕
山鬼精魂附薜蘿人海浮沈皆寄耳天閭高遠奈愁何
南華一卷堪齊物莫倚湘蘭讀九歌

眼前妖女聚名都挾彈吹竽迹轉孤少壯老看罔綠變
雨晴風聽海青呼釜中豆粥滹沱飯樹裏人煙督亢圖
自笑驢鳴敵鷓鴣唱九門常遇執金吾

天馬神龍豈受羈，男兒於世合權奇。
死當青冢埋侯骨，生愛黃金鑄子皮。
河朔論兵豪士酒，嶺南開國大王詩。
如何髮白非心白，老色偏從鏡裏窺。

詞賦江關恨早工，中年蕭瑟感飄蓬。
文章小技餘花鳥，家室深情在艸蟲。
南海明珠桐葉露，西江錦字鯉魚風。
不堪誦到鄜州月，都解長安憶老翁。

十月朔日過鶴田翁寓齋，同至善果慈仁兩寺歸途重訪潘翁，少白談至晡，率成三首簡兩翁。

秋菊已過期，薊門莽寒色。
孤裘念古歡，落葉空林積。
鏗鏗易堂叟，香火僧同寂。
飽飯適無事，出門喜有得。
招提

逕自冷我法具三益

牛首有聖人天眼窮佛藏塑工易傳燈鬼神出情狀古
今一塲埴于佛爲變相我相亦本無彼法未容謗亭亭
吉祥雲帡覆雙松上當年鱗魚僧願佛壽無量精藍咫尺
間毘盧閣屹相向古德且不孤吾行轉惆悵

一昨重九辰曾訪稽山叟南鄰菊正繁邀我跋鞵走我
時舍之去意非有可否落落天地間寒梅開獨後冬心
亦自溫未用煮盃酒

飛蝗歎

粵無蝗今歲江西蝗粵東西亦蝗宜黃家鴻臚

先生命同作

蝗來蔽江來蔽江北江南來江西來蔽天蔽日捕不得

解一蝗捕不得蝗有羽飛來如風從如雨屯如雲蝗食民

禾黍林神社鬼難不許解二天帝憫我民命驅蝗林神社

鬼言蝗不食禾黍蝗人面蝗性仁解三朝聽蝗出暮聽蝗

入青者要黑者脊白者羽赤者汁頭戢戢蝗五色解四神

劉猛憤言蝗食民禾黍臣食蝗臣之職司林神社鬼言

蝗所過郡縣無害害在旱澇蝗不當治解五民不見天日

但聞說說薨薨蟄蟄彌空一氣氣呼翕解六五嶺高高絕

樵采中原食盡來嶺外林神社鬼爲汝諱嗟汝蝗兮徧

窮海

讀子貞家書遊衡山詩闌作時子貞已領解爲之
狂喜賦二十八字示羣季

衣上衡雲脚下煙長沙粗婢洞庭船數峯青處鬼謠唱
無此高文九百年

十月望後一日仇典堂同年邀子毅子敬子餘同
集槐市斜街寓齋歌詠竟日子毅昆季皆作書
畫贈典堂要余爲詩因成一律紀事

兄袁弟灌兼師誼酒賦琴歌况盛筵腕底雙鉤新婦帖
眼前五馬夜郎天追懼爪跡留鴻雪耐冷心期托麝煙

子敬書叢
杜及叢菊三十年來一彈指玉笙吹老舊嬋娟

江亭看山圖爲葉潤臣題

西山如高僧閱世看平等公卿與傭販對之神俱靜秀
色橫皇州尺五天空迴蒼然太行氣結此青螺頂城南
有招提僻在無人境當年江郎中洪深閒來啜僧茗築亭
三面虛看山一心醒云何禪律嚴陶然先醅酌君懷厭
腥羶入門佛首肯遼金贖石幢摩挲當彝鼎軒軒眉宇
峻奕奕目光炯看山亦隨緣山靈已心省

懷人詩二首

甌上塵應異冠蓋几間艸亦笑科名儼然窮巷一畸士

道彼達官俱小生，腫背馬來泉始達。拖腸鼠去鼎初成。

悠悠行路誰堪語，每念吳興

姚鏡

老淚傾

潘少

精舍三間覆紫藤，四時門逕冷于冰。補詩未用官編集。

注易聊從佛借燈

所居紫藤精舍，卽趙吉士寄園中。設大士龕，蓋全浙會館香火也。老

學當時已榛莽，孤懷入世本鉤繩。高齋一似空山寂，吟

到深宵木客膺

端木鶴田國瑚

十一月望日家鴻臚先生招集寓齋消寒作

詩人猛士雜龍虎，黃樓一會成千古。七百年來文節孫

重向詞場整旗鼓，江郎

開

駿足真龍媒，坐中奇士從招

徠。刀光酒氣互磨盪，浩然一唱天爲開。冬雲寒空風撼

壁八面寒威紙窗逼書生何術能解嚴只陰霜飲無奇

策宏農孫子

楊比部

銳無敵乃翁

海梁中丞

豪譙如昨日相逢

不敢道姓名當日朱顏今髮白城東冰月一輪孤魚鑰
初扁禁旅呼散歸斗室焚香坐獨對虛堂說劍圖

楊朗山比部

熙

見訪賦贈兼寄懷其尊甫海梁中

丞

通侯門第存忠孝窮士交遊託紀羣今日雲司仍踵武

余初識中丞時亦官刑部

昔年風景亦論文玉杵對局當春晝珠箭

投壺到夜分卅載升沈怕回首不因官貴媿郎君

羽可爲龍門畫懸厓竹爲題二十八字

翻空氣力飛騰勢老可寧徒竹寫真此是龍門小圖照
奇功危節出精神

龍門以歛硯所易畫屬題爲賦一律

馬肝忍割文房席鬣尾空藏畫苑名

畫無歛硯似
北宋人手筆

入手

煙巒神跌宕列眉林木氣縱橫玉叉寄壁鎮十日芒屨
看山足半生見說權奇好求駿莫教金屋怨無情

龍門
新納

姬人以
此調之

顧橫波小像羅子營比部

禮薦

屬題

不教翠袖怯天寒坐愛娟娟竹數竿見說魏公饒嫵媚
鏡臺消得竝肩看

却月橫煙絕代姝風流揚頓自應殊絳雲樓上仙魚燼
誰見明妃出塞圖

錢牧齋攜柳如是入都途中作明妃出塞裝見幸存錄

臘月十九日立春莊西樵農部

心省

劉半農孝廉

興敏

顏薌翰明府

爾棧

淞船侍讀

以煥

家弟雨

生同集聘海棠屋拜東坡生辰

生且作嶺南人飽且喫惠州飯公身距今七百年一樽

應喜粵人勸粵人辭粵來帝京峨嵋西望春煙橫維

公精誘眼前是詎藉白鶴來相迎剛逢春日春盤釘爲

公介壽從申敬見說當年過子由老人亦自簪幡勝

見夢

華錄影泡露電一彈指子霞歸去知何似同是羅浮山下

人寒泉夙薦西湖水爲仙爲佛總情多御風應向湖頭
過七千里外梅花發一曲南飛譜翠娥

立春日題家蓉石

玉階

所藏東坡硯拓本

惠州老守

伊墨鄉

昨好事東坡硯出西湖濱君從何處復

購此翠墨搨眎逾貞珉涵星舊製不可見流傳歛識皆
堪珍晴窗研墨寫春帖佳日正值公生辰笠屐像記惠
州刻未得展拜思緣因忽憶行篋攜此搨酒脯同向堂
前陳思無邪與德有鄰伊翁所賞孰贗真掘井得泉本
公語硯池一滴皆精神馬肝龍尾姑勿論春來江水浮

峨岷

宜黃家鴻臚先生招同葉筠潭少卿郭羽可中翰
曹良甫比部艾至堂孝廉簡夢巖同年集寓齋
爲春盤之會卽席以盤出高門行白玉爲韻分
得門字

東風如虎咆天門

是日大風

地鑪獸炭紅不溫高齋張讌

寒具力扶春氣歸乾坤春從何來靜無痕勾萌未動

荄根農人三白望眼殷青旗獵獵回東原公卿勤勞

天子聖五風十雨當無愆朱門春盤爨白玉要及老瓦

田家盆鴻臚正貳皆宿德主持槃敦同謙尊貂冠緇袍

各有適融和一氣忘語言風光月霽周四座杓珠衡玉

明三垣誦詩藉可聞國政文字之飲非徒然黃綢裏印
暫休暇 朝正絡繹來夷藩眼前主客略禮數弗同燕
饗歸振騰玻璃瓶酒嘗西番莫辭盡醉傾金尊夜蘭燭
跂進春茗篆煙一室霏溫磨

吳菊裳粵西來善知補荔浦令賦二十八字代簡

頻年送客出燕臺纜渡桑乾首頰迴誰似驂鸞仙吏暇

碧蓮峯下寄書來

紙尾署碧蓮峯下書

梁昭明太子讀書臺

玉函金管出東牀選堦當時拜沈郎膜得理鵝一杯土
造磚猶帶六朝香

蝨簡叢殘仙不成
選樓花影閣寒笙
漆鐙一匣悲長夜
忍聽臺城誦佛聲

文信國公鐵如意歌

杭僧六舟鐵器

周尺二丁精鐵寒篆文
六字背面刻當時指揮作何用
金甌已缺寧重完
流傳此器落誰手
却憐緇輩非黃冠
維公此鐵同心肝
一旅尙冀收臨安
清談誤國彼何物
唾壺擊碎堪長歎
悅生晶印遍標識
夷甫玉塵應齊觀
鐵君血鏽羣臣丹
翠墨揚處雲雷盤
六陵殉物盡遭發
西臺石裂摧琅玕
君不見玉帶生亦淚
眼乾鐵君膽若
心應酸

錢武肅王投太湖龍簡拓本

寶正三年三月吉告文謹詣金龍驛洞府名山已徧投
醮謝酬恩此其一王時行年七十七壬申壬申用川日
簡文有壬申行年句以
壬申日投意取職祥壽齡遐遠眼目強家國興隆子

孫熾百八十字白金鑿龍簡端嚴獻鮫室蒼昊降祐復
垂恩道泰時康境清謐東海鯉魚飛上天帝號何難老
夫竊維王恭慈衛蒼赤志祈元貺無驕逸婆留井上不
唾龍警枕長年未安席此簡當時告太湖水府諸神應
受職憶昔開平捍海塘用幣還諏丙丁尅千精百鬼敢
妄干六丁玉女共承勅胥山祠廟前函詩五矢旋看怒

湖息方今塘工厯 九重使者終年虞海溢維王霧爽
稱英傑傳語龍王好受册摩挲翠墨想珠宮鐵券前時
皆網得

鄭親王作附錄

香鐵先生以錢武肅投太湖龍簡墨本竝大製
見貽賦此爲謝

晚唐戈矛盜九州江浙乃有錢婆留當年射潮亦何
沮豈能祈福尋龍湫或謂暮年筋力退細人相聚爲
此謀喜看筆意特簡古今時工藝真庶羞收藏故簡
覓好手要使精楷遭鉅眸化爲石本傳千秋黃君獲

之不肯收附以長古持贈我絕唱已過陽春謳新正
律迴尚呵凍短章報謝知難酬

讀白華草堂詩二集卷十二

丙申

鎮平 黃 釗 穀生

五十初度

鮎魚能上鴈能飛五十平頭媿布衣
煙墨浮名姑舍是公卿侈望我知非
學詩歲月同高適作賦心情異陸機
料得家園齊分祝草堂社燕幾時歸

春月春燈勸壽觥天然風景亦多情
梅花柳絮團妻女

鹿苑

僧竹

雞林

胡

正副使

趙心

菴學

訂友生私印

觀

文壺

觀

稱臣鈐馬券公田祈子策牛畊園中桃李圖歡讌一笑

何緣得弟兄

謂雨生弟

以端溪硯齋朝鮮副使趙心菴學士

斗淳

笑扇之

贈卽送其東歸

君家海東我日南帝車所指同仰瞻金門獻賦未得遇
却逢使筇停虬驂鸞停鶴峙見風采排比談叢歸筆海
往復舌端掃淨苔纏綿心曲聯芳莖因君衣冠想尹姑
感君氣誼同僑札古意千秋託者誰今生萬里淒然別
心菴筆談云東歸僅十餘日萬里今生之別不禁悽然泮河江水從西來羚羊峽
中多硯材相思但遣龍賓問咫尺星巖絡斗魁

七星巖在端州

贈朝鮮伴使宋竹陽從事

源壁

趙侯矜雅似吳札同來觀樂有竹陽衙官姓本出騷裔

從事衫亦齊冠裳滄波萬里想窮髮新篇百自一員吮
文章五采出東國快睹來儀皆鳳皇

心菴學士以其國駙馬洪海居

顯周

詩集見貽爲

系二十八字

青萍白壁應無價天馬人龍自不羣
用我有海南沈一片願爲鶴繞海東雲

燕九日葉筠潭少鴻臚招陪家樹齋先生郭羽可

中翰曹良甫秋曹

林堅

簡夢巖同年艾至堂孝

廉同遊白雲觀歸飲筠翁白鶴山房卽席以別
有天地非人間爲韻分得天字

南粵土俗初秋天白雲山祀安期仙我嘗跋履拜遺像

莊襟老帶風翛然自離羊城滯幽燕紅塵何地栖僮僮

都人相沿作燕九白雲又落城西偏仙官蕭散有筠叟

飈車召客升青煙長春宮觀本太極金元舊事誰爲傳

吉斯皇帝虎符勅彷彿尙記龍兒年元太祖自奈曼國遣近侍致聘邱眞

人龍兒年奏奉吉斯皇帝勅赴經長松島上一桃啗得

無滄海悲桑田金大定時常召見長松島賜上林桃取其一啗之我來瞻像亦

隨俗欲訪古器無由箋承華琴斷貞祐燼金古琴二春雷玉振在承

華殿貞祐之變秋葉鏡蝕宣和鐫元至正間羽士文室有古鏡狀似秋葉背

已爲長春所得屠沽傭販已雜溷黃冠羽衣從乞錢神仙

御寶四字

狡獪豈難識燕九日都人攜榼讌邱之樂何人專於此謂之讌邱仙宮

笑迴雷駟山房爲客開瓊筵

心菴學士復以詩并苔紙二十番東扇二摺留別

奉酬一首

秀采竦鬚眉清詞溢肝腑吁嗟我與君一見兩心許異
苔木同岑石交定白杵綠知造作佳遠勝胡液楮投物
藉將意此意厚尤古人生貴相知胃膈快傾吐舌人譯
難通楮生述能縷楮生述能縷端友亦能語此術地可
縮此術天可補中外久一家何用限庭戶情爲海水移
不爲海水阻君行本如客我留願誰主重逢豈有期強

慰意良苦萍散逐海風萍聚隨海雨

酬文壺觀從事咏用原韻

尋常尊俎聚宣南數典真看過籍談我向寫書繙史志

余充

國史館寫書官二十年矣

君因從事習朝參藥無大苦胸中貯

草有餘甘舌本含

壺觀以白葉覆及青於貝胎

多感深情作投贈尚

虛紆獻誼何堪

竹陽壺觀兩從事將別皆索詩驢行各賦一首

昂昂海東人鬱鬱嶺南士相對真忘言有言譯以紙口

已不如心爭更不如口

前晤心菴有口不如心筆不如口抱此耿耿之語

我思

趙侯語此情那得剖君從趙侯游自是賢者流下筆千

萬言字字皆琳瑯贈詩吾未見咫尺還沈浮

竹陽云有詩二首

余交龍門轉達竟未見

他時縱相思焉能料書郵春煙荔薊門春

雲生碣石送君歸海東悵絕嶺南客

增竹陽

壺山乃仙官

正使朴壺山尚書名晦壽

壺觀亦仙吏方丈籍三韓祖

洲貫百濟竭來朝

帝京翩如青鳥至我快睹羽儀文

采耀孔翠嚶鳴求友聲妙舌出心慧殷勤贈我詩詞句

益清麗東歸豈不樂惜別轉顛顛

壺觀書中語

多誌乃佛心

情豈爲君累文字有夙緣雲霞想交契忍爲縹緲詞且

致纏綿意

增壺觀

次韻荅葉潤臣上舍

杏花未放梅花過空法出燕臺二月春眼底白雲遲雪
澤眉間黃色久風塵鷓鴣比歲難爲臘牛斗多年不解
神人事天時等惆悵感君慰勉到閒身

荅子貞花潮見懷之作

九十春已半始到花生朝乃知花命長不與春爭饒三
百有六旬次第如乘潮誰司造化權遲早殊根苗秋亦
不蕭條冬亦不寂寥叢菊見晚節寒梅見孤標看看桃
李花早開已先彫

子貞見道人坐春乃多感留華去可惜流光不容擊人
生百年身肝腎付鉛槧丹青可點墨紅綠任舒慘雲流

緩始閒水流緩始澹上天占爲需人海象爲坎遲遲久
相忘春草自鋪毯

二月十七夜得雨喜賦一律呈大京兆曾卓如同
年望顏

三白方厯下尺稔喜聞甘雨灑郊圻焚香心事天堪告
時虔禱已三日矣 緯耒農時 帝不違萬井煙霏新翠噓九門
塵土舊青旂嶽雲旣出殊膚寸好向銀河認浴豨

立夏後一日程春海少司農招同俞理初正變陳

大治世錄温雲心啓封孫柳君衍慶集棗花寺

看牡丹分韻得棗字

抽牙憐桑稚生鬚速麥老大農念田蠶清遊展紆抱城
南地稍僻土鬆澁蹄道招提白紙坊丁庫踵唐造尋碑

海目揩看花天眼亦拙公二百年神貌尙完好

拙菴上人刻

青松卷康熙庚午年繪

同觀合蘭心異饌分菊腦居然六客寮證

此三空寶會開沙伏城白象樹如峯纂纂歎昔垂離離
感新掃人天種夙根富貴可常保熱塵豈足汗眞修白
能葆詩成且呈佛幸免支郎惱

丙申四月四日家樹齋先生暨葉筠翁兩鴻臚徐

廉峯家槩卿

珠

兩編修汪孟慈

嘉孫

陳頌南

鑄

兩農部招同人讌集江亭仿蘭亭四十二人之

數孟慈出所藏宋刻右軍禊帖裝潢成卷將送
之古棗花寺中溫翰初繪江亭展禊圖於其次
爲賦二絕

千五百年至今日四十二人追昔賢地曠天清作何想
此間亭子本陶然

鼠鬚珍重歷人間焚尾殷勤勸阿蠻一笑風流等佳話
司徒捨宅武邱山

徐鐵孫應春官試來都下納姬旅舍姬甫入門而
南宮報捷踵至詩以艷之

七香車襯五紋茵夾店舉帷看玉人忙煞檐牙噪乾鵲

報他桃杏一齊春

飛騎傳來未敢窺
低頭意氣上雙眉
郎君放下泥金帖
且要先題却扇詩

天橋茶座卽景

積水玉吹海散霞
金炙天塵生駝道
直樹長禁墻圓
人意雨相勞
市聲風與傳
冥情日孤坐
傭保亦相憐

次孫藻田孝廉

鏘鳴 留別韻寄荅

讀到新詩喚奈何
憐余髮短腹空
皤眼中美士斯爲彥
耳畔巴人孰解歌
衰老自傷同志少
東南未覺此才多
與君相約如江水
莫更分支別出沲

祝嫁詞送徐鐵孫之官浙中

上堂有翁上堂有姑而爲介婦敬之敬之惟冢婦之多

口解一兒寒呱呱兒飢呱呱而爲後母敬之敬之惟驕子

之難解二穀籩籩口柔戚施面柔夸毗體柔而錚錚者能

爲是不解三雁幣在庭華輿在門行矣敬之善爲哉鐵孫

宋慈聖曹太后玉印歌

印徑二寸八分寬二寸一分厚一寸五分朱文

篆字四曰慈聖御筆背鐫十三字八分書徑二

分曰宋仁宗曹皇后之御寶項元汴藏側又有

慈聖御筆四字印良玉琢成惜燬于火壘起無

色今藏漢陽葉東卿樞部家

精璆華玉鑄菊刀王母帖下鈐紅膏當時御寶作何用
得母啟識傳蟠桃朱替香麝漬玉版翔鸞舞勢迴丹臺
三元八會仿真誥龍鳳隱約同刻雕記膺冊寶受尊號
符天媿昊聞歌謠璇宮丁丁海籌報慶壽益顯曹門高
神孫勤政况誠孝慈愛天至憐其勞有時御筆下溫詔
或用此寶從恩褒泥紅脂白皮翠匣螭盤斗覆加黃繡
流傳八百有餘載偶然崑玉遭焚椒嘉禾後裔獲遺教
厚載之福非同曹明宣宗恭讓皇后才章篆文厚載君
崇教之寶舊爲嘉禾曹氏所藏

不見蓮花柳葉篆競描聖母當日言青苗

禮堂授經圖汪孟慈同年

喜孫

屬題

禮堂爲孟慈
尊甫儒林

甫先生
傳經舍

小同今我友大雅古人師
櫝硯貴甯馨楹書貧始遺蟬

魚奠朝士

孟慈今爲農
部員外郎

梨棗餘孤兒肅肅禮堂几年家

子拜遲

余與孟慈今
夏始識面

七夕

深懽淺醉可憐宵
今夕今生恨易銷
羊蠟無燭鴛粟沸
臥看織手剔銀簫

槐階被剗露華輕
鵲睡雞醒近五更
攜手雙星同一笑

幾人私語到天明

羽可爲潤臣畫竹屬綴數語爲賦二絕

江干萬个縛成帚老倔而今不中書我亦宛邱營學舍
行廚從此乞花豬

杈牙芒角久蟠曾雷雨癡頑煙霧重祝汝飛騰化神物
莫教人笑葉公龍

七月十九日梅伯言農部王慈雨銓部馬止齋大
令徐鏡希戴雲帆兩水部孔宥兩比部姚秋士
樞部馮江亭展袂主人於龍樹寺兼爲羽可及
余作餞卽事賦呈諸君子

羣公抱雅尙禊事追昔賢嘉賓喜相羈清秋啟長筵

余與老可將歸並華顛豈無戀 關情况復文字緣江
湖儼在目蘆葦聲蕭然僧樓看山翠澹澹疎眉連風景
當不殊後會知何年同時觴詠人聚散先可憐四十二
人出都
者過
半矣 觚棱迴金碧凝望生晴煙蒼龍翼紫軟白鶴飛青
天

八月十四夜作

紅墻銀漢星初合碧海青天月再圓夙誓前修兩難開
祇教注在丙申年

重九日鄭邸 賜餞應 教

玉梅香裏觀藏帖癸年冬月在邸得
編觀名帖古鐘鼎 金菊叢中賜別筵

短髮整冠趨九日禿毫授簡憶三年江湖雁去違塵海
風雨龍吟隔洞天挾瑟重來事難定感恩垂老自悽然
邯鄲旅店隔舍聞歌悵然有作

寶瑟初分廿五絃聞歌那禁淚潸然蕭郎塵鬢三升土
走馬邯鄲太可憐

重過呂仙祠作

風雷不令策靈鼈倚劍歸來尙布袍
翻笑先生多一夢
曲江春宴食櫻桃

邯鄲道中早發至杜林鋪尖

襪被臥星斗籠鐙穿礧谿疲途冀北馬殘夢汝言鷓鴣

夜長偏覺孤行遠，易迷欣然得豆粥。何暇問萍蓬。

計程

計程剛十日前路入磁州，趙女難爲悅盧生。且與遊彈
箏，輕躍馬匣劍，薄封侯。宿誓吾無負，巾車共駕牛。

過正陽十方院見漢徵君叔度故里碑

慧照十方院，高風千頃陂。梵修尊馬祖，儒術重牛醫。隙
地人鋤菜，寒林客看碑。衣塵浣時日，忍使素爲緇。

登黃鶴樓

漢水自東流，天光四面收。乘雲空際想，繫日古時愁。才
子何嘗歇，神仙似可求。羽衣吹玉笛，前夜夢黃州。

曉登武昌觀音閣

卽古頭陀寺北
齊王筠有記

頭陀寺裡暮鐘撞黃鵠磯邊白浪降老佛西來捨衣鉢
大江東去出旂幢湖心鶴影雲生渚沔口龍腥雨灑窗
欲借禪燈照碑記遠煙寒火見魚砭

黃鵠磯瞻太白像

載妓隨波任意行超然黃鵠一身輕此生自愛希何遜
何遜有入西塞示南府
同僚詩在武昌時作也欲殺人爭視禰衡春店貂裘銷
酒債秋江龍笛擲吟聲誰摹金粟當時影烏帽閒來醉

月明

鄂渚

煙火帆檣夕照餘東川門戶限南徐月華洗樹棲烏鵲
風信傳冰上鯽魚千古英雄爭此地一時名士讀何書
樓頭吹下梅花箋醉倒洲前老捕漁

呂仙亭同道士茗談

道士安吳人
師弟皆善琴

醉白嘗留榻燒丹待築臺仙雖騎鶴去客尙抱琴來亭
樹無垂棗江城有落梅皖公閒話好相對欲銜杯

過黃州赤壁見蘇眉山祠堂作

赤鼻重遊迹已陳紫髯初霸址全湮江山無盡仍招鶴
鼓角多情自送人依舊磯頭千尺岸共留樊口五年身
網中魚與岐亭鴨一笑時常代藻蘋

散花洲守風

背嶺如修蛇面山似鸚鼠迴旋道士泐我冠若騎虎東
流九派長頭尾掉吳楚洲前孰散花毋乃摩登女我騎
黃鶴來勢欲乘風舞情寧妬婦牽色詎孟婆沮東船弄
琵琶西船弄管管老兵說周郎忻然醉村醪

自鄂州抵江州雜成五首

水暗雲寒擁去帆不須酒醒思難堪卽看岸口依依柳
忍得無情別漢南

江口團風數水程南來鼓角見山城黃泥坂上尋鴻雪
可有年時馬士卿

淨扶持百餘日服勤出以敬謂兒可室矣謹奉 大母
命

讀經已昭晰讀史亦往復一衿豈難青甫向名場逐我
家已中落方冬無旨蓄繫時抑何忍忍令耕代讀

我營鐵畊樓三年始斷手兒實終始之樓成一無有兒
能肯我構亦能終我畝負米復負鹽爲我贍十口

孝友無間言制行同閔損我乃有此兒竊喜私自听一
旦委朝露始識我命蹇我悲亦固然知者淚同汝

我初改廣文兒意不謂善爲嬖及叔謀祿薄恐難徧今
我官潮陽兒已弗及見我計尙未左脫粟同一飯

我方試春官兒死皆我諱我心知其然聞者猶安慰我
歸已逾朞喪服覺無謂可憐父子恩嘗到存亡味

三雛豈不憐捨去一何早長者雖就塾幼者甫襁褓爾
弟未長成亦知敬正嫂惻然我心酸叔姪讓梨棗

彭殤詎能齊死生詎能一我生縱達觀骨肉獨摧惻兒
生太艸艸一世猶未畢於我何因緣問天更問佛

汀州聞望子凶耗未得一哭抵家後作此寄哀

失箸聞凶耗余方食交頤涕泗流斯人胡不弔何疾竟

難瘳才命爭長短家門雜喜憂時次甥燈寒霜月苦吞

淚下汀州

去歲吾兒逝書來尙隱吾譽慙甥似舅兆豈姪從姑誰
料沈魚斷同爲怪鳥呼九原會相問歸客在長途
末路思爲令寒暄不自聊君寧任煩劇我尙畏紛囂骨
嫩何能媚心堅竟易彫可憐才子筆虛過 聖明朝
妻自爲夫誅兒同讀父書有情終惓惓如夢竟蘧蘧觸
目車船化傷心几榻虛我歸當歲晏百感併愁予

京旋雜述

驅車出國門酸淚蓄幾斛吁嗟乎天馬而亦盼苜蓿春
明五年夢歷歷猶在目良友辟寒金美人暖老玉清譚
劇魚雅豪飲酣肉竹人生適意耳長此詎匪福一官等

繫匏萬事同轉燭驅車出國門風沙一何酷吁嗟乎天
馬戀此升斗粟

白日澹無光胭脂冷北地蕭蕭白溝河今昔風景異下
馬入店門淒涼買一醉琵琶寂無聲縱有詎當意侶也

匪論節奇者獨市義我思女漸離寶慨慷足隕涕當筵

出私囊緩獄哀長吏

雄藩衛三輔檠戟森清嚴故人顏魯與方伯身許國留我

信宿談心知杜牧狂罪言詰再三今年宣府飢流亡恐

不堪去年彗星見氛祲尙難占 聖人謹修德省躬自

無慙微聞道路語可憂在畿南

飢瘁界三省

直隸河南山東

所患害禾稼我從中州來懸叱

村舍蝗蝻官收買升斗出重價創土與掘溝自上而抵
下尙勸民翻犁蝻子入土化嗚呼大吏心已竭不能罷
匿蝗歎民冥收蝗歎官詐

高風接兗園清霜肅烏府

楊桂山廉訪

前年相國鐘

癸巳從桂山廉

訪來汴館於相國寺西院

復此聽官鼓蘭蕙長生徒

子樸石生幼韓稚桂諸公子

竹箭盛賓主蒞侯偉奇人

子瀟意氣若龍虎馬踏玉河月

魚戲金池雨燕市昨酒酣拔劍同起舞公然弟灌嬰母
乃吾莽鹵此聚正復難剪燭更深語

風流刺史賢

潘四梅煥龍

跌宕參軍儁

陳九香瑞琳

劈騰興劇豪

繪圖事亦韻招邀城北遊有亭高九仞周藩已僅存宋
宮豈堪問誰從朱亥屠獨弔侯嬴刻古風去云遙今雨
散復近多君半篋書四梅九香各以近刻見貽重勞五車運我車且
我輦行矣上薄畚

僵眠如冰蠶倒飛似風鴉下走牛馬鳴寒號鳳皇泣嘔
嘔與呀呀咿咿復軋軋車帆盡飽意車夫半飢色微聞
車中人足寒屢歎息足寒祇傷心民怨乃傷國

夷塗過正陽南去盡砂石我車復我牛牽輓助人力土
飯雜塵羹繩床墊草蓆車夫床下斲疇圜共栖息鷓鴣
正南翥莫畏行不得行行黃峴關界已抵楚北天時當

小春陽和喜風日一笑大江橫漢陽樹歷歷

開府

近堂制軍

昔賓我禮我爲師儒中丞

周雅主師

我薦主惜我

如明珠藩伯共門墻

張翰山方伯與子同出陳荔峯師門

垂陰接枌榆連

朝公府趨執手皆歡娛太息及時事隄工甚邊儲頻年
漢江溢所被遍荆湖去歲澇復旱沃壤成彫區羣公竭
心力爲民復亡述我來幸豐稔飽食武昌魚

汝南袁夫子

金谿師

德高道尤尊於世爲醇儒在朝爲直

臣舉比坐江漢講學明人倫蒸然三楚士絃誦同彬彬
繫余小子狂受知感深恩適從北方來擬侍春風溫何
期立雪夜反致暎參晨忽忽十八載至今自庚辰似聞

道貌蒼鬚鬢皓似銀小子亦斑白後此忍復論

退谷誰許遊杯湖誰許泛當時元次山作銘若立監我
非孟士源頗亦好夷憺城市有底忙壟斷焉能占谷口
窄可容湖心冷可鑿既無干進心或免令人厭

心醉洞庭柑夢繞湘江竹我行指潯陽南望迷九曲故
人湯海秋農部有新詩且作圖畫讀水帖鷗鷺涼山笑猿猴

綠山水自蒼深風騷有崩續纏綿擬九章幽憂盛百斛
披髮號楚狂無端向天哭何當駕青虬一爲歌黃鵠

東望琵琶亭觸我掩抑思蝦蟆陵下女飄流感弟妹倚
門既失身浮家復失計司馬自多情商人祇重利流連

肯流連棄置竟棄置我從長安來思怨覺多事當趁四
絃秋傾聽常掩袂黃沙柳葉傍白月蘆花次幽州聲已
銷又下江州淚

八山豈不深陟嶺凡幾轉行經虎溪橋綠蘿暗蒼蘚東
林寺已荒何處尋慧遠斷碑佚唐文破鐘闕秦篆前身
天池僧一宿常在眼冷冷烏石門碧玉不受筦微微點
雪峯澄澄盡雲巘茲行非遊山遊山約亦踐

本圖官溫飽返驗民飢寒飢者形立鵠寒者衣結鷄適
來訪故人

林漢仙
同年

云出進賢門奉檄監粥廠在公敢不

勤人言作令佳吾言作令難儒生試爲吏何以體 皇

仁民飢官且飽民寒官且溫處脂縱自潤有膏詎當屯
忍飢復忍寒看此親民官

臨川數知交尙憶陳無已

陳學庭
同年

八年國子師授徒復

課子秩滿得佐郡飄然返鄉里年來斷音耗未識生與
死似聞荷衣郎近亦登科矣父誓果能讀執友色亦喜
石臺竦赤峯繡谷漾文水翠然望新城山川畫圖裏

南城昔轉運

曾賓谷
中丞

提倡似雅雨

盧

聲氣寄紵縞風流

托樽俎當時物力饒能使人才聚重來領權院非昔東
道主騷雅豈空談名譽不徒取太息時事非歸田且閉

戶

蕭蕭黃竹嶺峻絕排雲上籃輿掖而升仰臥作揖讓百
盤儘登頓十里得奔放羣山一氣綿俯視白煙漲神州
自可辨踰嶺盡閩廣帝鄉多白雲回首當北望君
門已萬里我屐亦幾纏

歸途到汀州已似抵鄉里河廣不容刀船薄乃如紙惟
恃鐵梢公與灘五角抵今年苦天旱止此一尺水四口
到上杭時常兩日耳陸行五十日一路晴可喜此時却
望雨天心未必爾汀月四更鷓夢中伺潮起

眼明見鄉樹已過巖前城中表及姻媿連村喜相迎稍
稍慰勞頓欵欵詢帝京帝京風景佳天子復聖

明徵材同散樗敢望公與鄉瓊寒已得暖祿薄可代耕
石耕復鐵耕春種秋當成行將帥四民含哺歌太平